

REGLUR

um breytingu á reglum nr. 554/1996 um verndun starfsmanna gegn hættu á heilsutjóni af völdum líffræðilegra skaðvalda á vinnustöðum.

1. gr.

Eftirfarandi breytingar verði á III. viðauka:

1. Undir yfirskriftinni „Veirur“:

- í stað „Óvenjulegir skaðvaldar sem tengjast (i)“ kemur „Óhefðbundið smitefni (príon) sem tengist príon sjúkdómum (transmissible spongiform encephalopatier (TSE) = svampkenndur smitandi heilasjúkdómur)“;
- eftirfarandi skaðvöldum er bætt við undir yfirskriftinni „Óhefðbundið smitefni (príon) sem tengist príon sjúkdómum (transmissible spongiform encephalopatier (TSE) = svampkenndur smitandi heilasjúkdómur)“;
- og eru flokkaðir sem hér segir á eftir Creutzfeldt-Jakobs-sjúkdóminum
- „afbrigði af Creutzfeldt-Jakobs-sjúkdómi“ sem flokkast í áhættuflokk 3 (**) með athugasemdinni D^d);
- „BSE (Bovine spongiform encephalopati), (kúariða) og aðrir skyldir príonar(i)“, sem flokkast í áhættuflokk 3 (**), með athugasemdinni D^d).

2. Orðalag á neðanmálgrein „(i)“ sem kemur á eftir lista yfir veirur, er skipt út fyrir eftirfarandi:

„Það liggja ekki sannanir fyrir um smitun í mönnum af völdum annarra skyldra príona. Þrátt fyrir það er mælt með innlokunarstigi á rannsóknarstofum sem miðast við meðhöndlun í áhættuflokki 3 (**)) sem varúðarráðstöfun fyrir utan rannsóknarstofuvinnu sem er í tengslum við áður þekktan riðu (scrapie) skaðvald þar sem innlokunarstig í áhættulokki 2 er nægjanlegt“.

2. gr.

Reglur þessar, sem settar eru af stjórn Vinnueftirlits ríkisins samkvæmt heimild í 38. og 39. gr. laga nr. 46/1980 um aðbúnað, hollustuhætti og öryggi á vinnustöðum og með hliðsjón af tilskipun 97/65/ESB, eru hér með staðfestar til að öðlast gildi við birtingu.

Félagsmálaráðuneytinu, 26. ágúst 1998.

F. h. r.

Sturlaugur Tómasson.

Elín Blöndal.

REGLUR

um bókhald, reikningsskil og upplýsingagjöf ferðaskrifstofa.

1. gr.

Reglur þessar er settar með stoð í 2. mgr. 16. gr. laga nr. 117/1994 um skipulag ferðamála með síðari breytingum. Markmiðið með reglunum er að tryggja að fyrir liggi nauðsynlegar upplýsingar til að hafa eftirlit með að tryggingar ferðaskrifstofuleyfifishafa vegna tryggingarskyldrar starfsemi séu í samræmi við fyrrgreind lög.

2. gr.

Reglurnar taka til allra þeirra sem fengið hafa leyfi samgönguráðuneytis til reksturs ferðaskrifstofu og hafa með höndum tryggingarskylda starfsemi samkvæmt lögum nr. 117/1994 með síðari breytingum, hér eftir nefndir leyfishafar.

3. gr.

Bókhaldskerfi leyfishafa skal vera með skipulegum hætti í samræmi við lög um bókhald á hverjum tíma. Þetta felur m.a. í sér að fyrir á að liggja skrifleg lýsing á skipulagi og uppbyggingu bókhaldskerfisins.

4. gr.

Ef leyfishafar hafa með höndum fjölþætta starfsemi skal deildarskipta bókhaldslykli þannig að ferðaskrifstofurekstur sé aðgreindur frá öðrum rekstri. Við gerð ársreiknings skal semja sérgreindan rekstrarreikning yfir ferðaskrifstofureksturinn. Öllum rekstarkostnaði skal skipt á rekstrarþætti og í skýringum með ársreikningi skal gera grein fyrir þeim aðferðum sem notaðar eru til að heimfæra tekjur og kostnað á rekstrarþætti. Ef breytingar verða á þessum aðferðum frá fyrra ári skal gera sérstaka grein fyrir þeim.

5. gr.

Tekjur af tryggingarskyldri starfsemi skal færa þegar til þeirra hefur verið unnið og þjónustan í meginatriðum verið innt af hendi. Gæta skal þess sérstaklega að bókfæra tekjur réttilega á mánuði innan ársins. Skiptingu tekna á mánuði á að vera hægt að lesa úr bókhaldskerfinu fyrir hvern tekjulykil í reikningslykli.

6. gr.

Tryggingarskyldum tekjum sbr. 3. tl. 11. gr. laganna, leyfishafa skal, í bókhaldi, haldið aðgreindum frá öðrum tekjum og þær bókfærðar á sérstaka reikningslykla. Ávallt skal liggja skýrt fyrir á hvaða reikningslykla tryggingarskyldar tekjur eru færðar.

7. gr.

Ef flughluti alferðar er í áætlunarflugi, en ekki tekjufærður sérstaklega, er heimilt að draga kostnað við áætlunarflugið frá tryggingarskyldum tekjum við útreikning á tryggingarfjárhæð. Kostnað við áætlunarflug í þessum tilfellum skal færa á sérstakan reikningslykil.

8. gr.

Fyrir lok 31. mars skulu tryggingaskyldir leyfishafar skila samgönguráðuneytinu eftirfarandi gögnum:

Endurskoðuðum ársreikningi síðasta rekstrarárs.

Yfirliti yfir mánaðarlega veltu síðasta rekstrarárs skipt eftir tryggingarskyldu. Útreikningur á frádrætti vegna áætlunarflugs skal sýndur sérstaklega og heildarveltan afstemmd við ársreikning. Yfirlitið skal staðfest af löggiltum endurskoðanda leyfishafa.

Yfirliti yfir áætlaðar mánaðarlegar rekstartekjur yfirstandandi árs skipt eftir tryggingarskyldu.

Staðfestingu endurskoðanda leyfishafa um að bókhaldskerfi sé í samræmi við ákvæði þessara reglna.

9. gr.

Mat á tryggingafjárhæð skal fara fram hjá endurskoðanda sem ráðuneytið tilnefnir. Við matið skal endurskoðandi hafa óhindraðan aðgang að bókhaldsgögnum og bókhaldskerfi leyfishafa.

10. gr.

Samgönguráðuneytinu er heimilt að taka gjald af ferðaskrifstofum og ferðaskipuleggjendum sbr. 23. gr. laga nr. 117/1994 um skipulag ferðamála með síðari breytingum til að standa straum af eftirliti vegna laganna og skal fjárhæð gjaldsins nema þrjátíu þúsund krónum á hvern leyfishafa á ári.

11. gr.

Reglur þessar öðlast þegar gildi.

Samgönguráðuneytinu, 26. ágúst 1998.

Halldór Blöndal.

Jón Birgir Jónsson.

3. júní 1998

Nr. 531

REGLUGERÐ

**um breytingu á reglugerð um lögmæltar ökutækjatrýggingar,
nr. 556 29. desember 1993.**

1. gr.

Við 1. mgr. 1. gr. bætist: og vátryggingartaka.

2. gr.

Á eftir „ökumanns“ í 4. gr. komi: og vátryggingartaka.

3. gr.

Á eftir „ökumanns“ í 4. mgr. 6. gr. komi: og vátryggingartaka.

4. gr.

Í stað „Bifreiðaskoðunar Íslands hf.“ í 2. mgr. 7. gr. komi: skráningarstofu ökutækja eða aðila í umboði hennar.

5. gr.

Í stað „Bifreiðaskoðunar Íslands hf.“ í 3. mgr. 11. gr. komi: skráningarstofu ökutækja, og í stað „Bifreiðaskoðun“ í sömu mgr. komi: skráningarstofu.

6. gr.

Reglugerð þessi sem sett er samkvæmt 4. mgr. 91. gr., 1. mgr. 94. gr. og 2. og 3. mgr. 96. gr. umferðarlaga, nr. 50 30. mars 1987, öðlast gildi 1. júlí 1998.

Dóms- og kirkjumálaráðuneytinu, 3. júní 1998.

Þorsteinn Pálsson.

Ólafur W. Stefánsson.